

Coupo Santo

De panèu en prouvençau, bono-di la nouvello lèi de proumoucioun di lengo regiounalo.



Prouvènço d'aro

Tóuti li mes, lou journau de la Prouvènço d'aro

Mai de 2021

n° 376

2,10 €

Proumòure li lengo regiounalo

*Prouteicioun patrimonialo
e proumoucioun di lengo regiounalo*

Lou tèste de la lèi pèr la proumoucioun di lengo regiounalo adóuta pèr lou Senat, i'a mai d'un an, finis sa caminado pèr pas dire sa tanca-do dins li courredou di soumtuous palais de voutacioun de l'Assemblado naciounalo.

La nouvello sesiho pertoucant aquelo lèi de prouteicioun patrimonialo e proumoucioun di lengo regiounalo fuguè duberto lou 8 d'abriéu de 2021 pèr lou menistre de l'Educacioun naciounalo Jan-Miquèu Blanquer avisant tout d'uno: *"Ma position concilie le respect de l'article 2 de la Constitution, selon lequel "la langue de la République est le français", pèr tant lèu s'englouria de la realita educativo forço favourablo i lengo regiounalo pèr provo lou breton...*

Faguè mino de pas ausi lou deputa Fabrice Brun que ié pausavo la questioun:

- E l'òcitan ?

Respoundeguè pas, mai l'anè trioumflant de recita si chifro meravilhous *"8200 élèves bénéficient de l'enseignement d'une langue régionale dans les écoles publiques de l'académie de Rennes"* e d'apondre que 120 000 escolan dins touto la França seguissou un parier ensignamen...

Ramentant au passage qu'eu *"a exercé des responsabilités outre-mer, notamment en Guyane, en y favorisant les langues régionales, qu'il s'agisse des langues amérindiennes ou bushinengués."*

Em'acò, nous aviso que l'ensignamen costo de sòu: *"Je rappelle aussi que nous sommes tenus au bon usage des deniers de nos concitoyens: la pente nous conduit parfois à consacrer une part importante de l'argent public aux langues régionales avec des taux d'encadrement plus favorables pour les élèves concernés"*.

L'encadramen pèr l'ensignamen de l'anglés, dóu chinés, dóu russe, dóu pourtugués, de l'arabe, dóu japounés, de l'espagnòu, de l'ebriéu, dóu mandarin, l'alemand, o de l'italian, es pas tant carivènd... egalita, fraternita...

Basto, a trouba un biais d'espargna, bono-di li poussibleta óuferto pèr lou numerique. Adounc tre la rintrado de 2021, un enseignamen dóu breton, dóu corse e de l'òcitan se poudra faire en videò, lis escolan, lou nas sus soun ekran d'ourdinatour *"disposeront ainsi d'une offre de formation de*

Uno lèi de prouteicioun pèr li Lengo regiounalo



qualité", que nous dis lou menistre, countènt de sa granda generousesta.

D'aquí, lou deputa breton, Pau Molac, rapourtaire de la proupousicioun de lèi, aguè de rebeça. Éu, à l'òurigino dóu proujèt d'aquelo lèi avié dequé dire, a coumença pèr: *"Li lengo regiounalo soun uno richesso, un tresor, noun soulamen regiounau mai bèn naciounau e internaciounau"*.

Basto! Aro, d'en retour dóu Senat, lou tèste vouta tournavo à l'Assemblado naciounalo, e prepausavo quatre article de mai... L'acord se faguè, pau o proun, en coumessioun, acò

es lou rebat d'aquéu qu'eisisto en soucieta. Bello marco, li trege president de Regioun se soun adeja moustra en favour de la proupousicioun de lèi. Lé parèis pamens doumajous que l'ensignamen inmersiéu en lengo regiounalo siguèsse pas poussible au sèn de l'ensignamen public e restèsse cantouna is establiment priva.

Lou menistre, éu, esplico e se demando coume se pòu counclure emé li coumuno un acord de participacioun financiero emé lis escolo soutu countrat d'assouciacioun pèr l'ensignamen en lengo regiounalo. Emai faudriè belèu vèire li dispousicoun toucant la

souletto lengo corso permetènt l'ensignamen de la lengo regiounalo dins l'encastre d'un ouràri escolàri nourmau, pèr l'espandi aro à l'ensèn di lengo regiounalo.

Pièi de counclure *"l'ouro es istourico, car i'a jamai agu en França de lèi sus li lengo regiounalo"*. (La lèi Deixonne es óublidado). La discussioun generalo aguè de coumença. Se sachè lèu, de la bouco de la deputado Geraldino Bannier que lou partit poultique MODEM èro pèr vouta aquelo proupousicioun de lèi, citacioun facho de soun mèstre Francès Bayrou:

(de segui pajo 2)

Jaume Taupiac gramatician

Nòsti divergènci margi-nalo empachon pas uno unita, l'òcitan estandard.

Pajo 8

Li raconte zen d'Óuriènt

Emé lis escrivan que fan de bèn, la literaturo pou-drié èstre uno medecino...

Pajo 3

Lou cambiamen climati

Aquelo tremudacioun a deja pertouca la bioudive-sita...

Pajo 6